



Pou Piblikasyon Imedya: 18/10/2023

GOUVÈNÈ KATHY HOCHUL

GOUVÈNÈ HOCHUL PRAN MEZI POU SIPÒTE PWOGGRAM STOP-DWI LOKAL YO AK PWOTEJE NOUYÒKÈ YO KONT CHOFÈ KI KONDWI AK KAPASITE AFEBLI YO

Lejislasyon S.2712B/A.4755B Gouvènè a te siyen pou voye taks adisyonèl yo dirèkteman nan pwogram STOP-DWI lokal yo pou asire ke kominote yo gen resous yo bezwen pou anpeche moun ki kondwi ak kapasite afebli yo epi kenbe wout New York yo an sekirite

Gouvènè Kathy Hochul te siyen lejislasyon S.2712B/A.4755B pou sipòte pwogram STOP-DWI lokal yo lè I te voye de nan taks adisyonèl obligatwa yo evalye kounye a kont moun ki komèt enfraksyon nan kondwi ak kapasite afebli yo pou finanse pwogram prevansyon lokal yo. Lwa sa a pral bay resous esansyèl pou sipòte entèvansyon kominote yo ap dirije, nan nivo konte yo pou pwoteje Nouyòkè yo.

"Antanke yon ansyen Grefye Konte a, mwen konnen ki jan pwogram STOP-DWI lokal nou yo enpòtan anpil pou pwoteje fanmi nou atravè eta a kont zafè kondwi ak kapasite afebli", **Gouvènè Hochul te deklare**. "Entèvansyon kominote yo dirije se metòd ki pi efikas nou genyen, epi mwen fyè pou m siyen lwa sa a pou ba yo sipò dirèk".

Eta New York se yon lidè yo rekonèt nan nivo nasyonal nan zafè sekirite sikilasyon ak represyon zafè kondwi ak kapasite afebli, ki etabli premye Pwogram Opsyon Sikilasyon Espesyal nan zafè Kondwi ak Kapasite Afebli (STOP-DWI) nan nasyon an. Depi 1981, STOP-DWI te bay plizyè milye pwogram fòmasyon ak entèvansyon nan lekòl yo ak sant kominotè yo, ki te itilize yon modèl prevansyon jeneral ki konsantre sou prevansyon, enkapasitasyon, refòm ak chanjman konpòtman.

Nouvo lwa sa a pral voye de taks adisyonèl ke yo evalye kòm yon pati nan kondanasyon pou konduit ak kapasite afebli nan pwogram STOP-DWI konte a. Depi kreyasyon yo, pwogram STOP-DWI yo te finanse pa mwayen kontravansyon ki enkli nan kondanasyon pou enfraksyon nan kondwi ak kapasite afebli. Nan dènye ane yo, kòm taks adisyonèl obligatwa yo ak lòt frè yo te enpoze sou kondanasyon konduit ak kapasite afebli anplis kontravansyon debaz la, finansman pou STOP-DWI te bese nan 50 pouzan nan kèk konte, sa ki mete an danje estabilite finansye pwogram esansyèl yo.

Senatè Eta Tim Kennedy te deklare, "Pwogram STOP-DWI New York la depi lontan te kolòn vêtebral efò Eta a ap fè pou diminye ensidans nan kondwi ak kapasite afebli, epi

siksè li genyen nan fè sa a se yon bagay remakab. Li obligatwa pou nou retabli ak konsève entegrite fiskal pwogram nan, ak pwojè lwa sa a, ke mwen te fyè pou m sipòte ansanm ak Manm Asanble Lupardo, ap asire ke efò li yo prioyize pou toutan. Mwen remèsyé Gouvènè Hochul paske li siyen lejislasyon enpòtan sa a, epi asire ke pwogram enpòtan sa a resevwa sipò ki nesesè pou sove lavi epi kontinye kenbe wout nou yo ak kominote nou yo an sekirite".

Manm Asanble Donna Lupardo te deklare, "Pwogram lokal STOP-DWI a enpòtan anpil pou wout ki an sekirite ak kominote ki pwoteje. Pandan ane yo, finansman yo te detounen nan pwogram sa yo, sa ki mete sèvis esansyèl tankou pòs kontwòl tèt klè ak pwogram reyabilitasyon chofè yo an danje. An menm tan, eta nou an ap fè fas ak nouvo defi, tankou kriz opyoïd la ak itilizasyon dwòg sentetik. Mwen ta renmen remèsyé Gouvènè Hochul paske li te siyen lejislasyon nou an epi paske li te retabli finansman pwogram STOP-DWI nou yo nan tout eta a bezwen".

Komisè Depatman Veyikil a Motè a ak Prezidan Komite Sekirite Sikilasyon Gouvènè a, Mark J.F. Schroeder, te deklare, "Ogmante sansibilizasyon sou danje ki genyen nan kondwi ak kapasite afebli kòmanse nan nivo lokal, epi pwogram STOP-DWI yo se entèvansyon sou teren pou efò sa a. Pwogram sa yo ap pote mesaj la bay lekòl yo ak kominote a, epi mennen moun ki te gen lavi yo ki te chanje pou tout tan nan zafè kondui ak kapasite afebli devan moun ki akize ak kondane pou montre konsekans move aksyon yo. Mwen felisite Gouvènè Hochul paske li te pran mezi pou bay pwogram sa yo finansman yo bezwen pou kontinye travay enpòtan sa a".

Stephen J. Acquario, Direktè Egzekitif Asosyasyon Konte Eta New York yo, te deklare, "Manm nou yo bat bravo pou Gouvènè Hochul paske li siyen lwa sa a ki pral oryante taks adisyonèl obligatwa pou alkòl ak lòt enfraksyon sikilasyon ki gen rapò ak dwòg nan Pwogram STOP-DWI ke konte a administre. Nouvo lwa sa a pral kontribiye anpil pou amelyore entegrite pwogram STOP-DWI nou yo, avèk yon 6.825 milyon dola yo espere ki pral soti nan fon jeneral eta a nan efò konte a pou konbat ak diminye ensidan nan zafè kondwi ak kapasite afebli akòz itilizasyon alkòl ak dwòg. Se te objektif oriinal taks adisyonèl sa yo".

Pwokirè Distri nan Konte Erie ak Prezidan Asosyasyon Pwokirè Distri nan Eta New York, John J. Flynn, te deklare, "Pwogram STOP-DWI New York se te premye nan jan li nan nasyon an epi li te sèvi kòm yon modèl pou pwogram ki sanble atravè peyi a. Yo rekonèt li kòm yon kontribitè enpòtan nan siksè New York nan diminye blesi ak lanmò DWI. Mèsi Gouvènè Hochul paske w siyen lwa sa a ki se yon solisyon lojik pou ede finanse pwogram ki gen anpil valè sa a. Mèsi ak moun yo ki sipòte pwojè lwa a, Senatè Tim Kennedy ak Manm Asanble Donna Lupardo, paske yo bay pwoblèm sa a prioyrite. Eta nou an ap fè fas a ogmantasyon difikilte ki gen rapò ak chofè ki kondwi ak kapasite afebli ak bezwen pwogram STOP-DWI pou jwenn finansman adekwa pou kontinye misyon li nan ede konbat aksidan ki gen rapò ak alkòl ak dwòg".

Prezidan Asosiyasyon Cherif Eta New York ak Cherif Konte Albany, Craig Apple, te deklare, "Pwogram STOP-DWI konte yo te anpeche anpil lanmò initil ak lavi depafini,

atravè estrateji prevansyon DWI ki efikas. Pwogram sa yo merite pou yo jwenn finansman adekwa, epi aksyon Gouvènè a jodi a asire ke yo pral gen resous pou byen kontinye travay yo alavni. Nou felisite Gouvènè a ak moun yo ki sipòte lejislasyon sa a pou mezi enpòtan sa a yo te pran pou siyen l".

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418